



## **TOSHKENT DAVLAT YURIDIK UNIVERSITETI REKTORINING B U Y R U G ' I**

---

14.02.2023

86-tm-son

### **Talabaga hayfsan e'lon qilish to'g'risida**

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti 2-kurs talabasi Yusubbayev Javoxir Oybek o'g'li 2023-yil 7-fevral kuni Universitet 4-binosi 401-xonasida Fuqarolik huquqi fanidan yakuniy nazorat imtihoni boshlanishida imtihonga nazoratchi sifatida jalb etilgan "Mehnat huquqi" kafedrası katta o'qituvchisi Murodillayev Dostonjon Nigmatullo o'g'lini "hushtak" chalib chaqirgan hamda o'qituvchi va talaba o'rtasidagi muloqot me'yorlarni buzgan holda qo'pollik qilgan.

Shundan so'ng, nazoratchi o'qituvchi D.Murodillayev va Xalqaro huquq va qiyosiy huquqshunoslik fakulteti tyutori B.Mamadaliyevlar tomonidan talaba J.Yusubbayevga qilgan harakatlari universitet rasmiy muloqot qoidalariga to'g'ri kelmasligi tushuntirilgan, ammo talaba J.Yusubbayev qilgan harakatlaridan to'g'ri xulosa chiqarmagan.

Talaba J.Yusubbayev mazkur harakati bilan universitet Odob-axloq kodeksi 18-moddasining birinchi qismi (xodim va talaba o'zaro munosabatlari hurmat va e'tibor tamoyillariga asoslanishi lozim) va ikkinchi qismi (xodim va talabalarning o'zaro munosabatlarida inson qadr-qimmatiga hurmatsizlik, shaxsiyatni kamsitish, qo'pollik va behayo so'zlar ishlatish qat'iyman man etiladi) talablarini buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi, Toshkent davlat yuridik universiteti Odob-axloq kodeksining 18-modda birinchi va ikkinchi qismi hamda universitetning Ichki tartib qoidalari (ichki mehnat tartibi qoidalari) 83-bandiga asosan

## **BUYURAMAN:**

1.Universitet Odob-axloq kodeksi 18-moddasining birinchi va ikkinchi qismi talablarini buzganligi uchun Xalqaro huquq va qiyosiy huquqshunoslik fakulteti 2-kurs talabasi Yusubbayev Javoxir Oybek o‘g‘liga hayfsan e’lon qilinsin.

2.Fakultet dekanlari (D.Umarxanova, D.Kamalova, B.Musayev, Sh.Saydullayev, A.Babadjanov) mazkur buyruq mazmun-mohiyatini talabalar e’tiboriga yetkazilishi va keng muhokama qilinishini ta’minlasin.

3.Xalqaro huquq va qiyosiy huquqshunoslik fakulteti dekani (D.Umarxanova):

mazkur talabaning shaxsiy hujjatlar yig‘majildiga buyruq nusxasi tikilishini ta’minlasin;

mazkur holat takror sodir etilsa, talabani talabalar safidan chetlashtirish mumkinligi to‘g‘risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

D.UMARXANOVA

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



yuriskonsult

D.ALIBOYEV

